

quod nollet tamen morem gerere Pontifici, hæreditariam Siciliae Apulique possessionem ipsi invidenti, ut & quod in personas ecclesiasticas animadverterat, ægre ferenti, excommunicationis vinculo constringitur, omnesque Imperii regnique subditi sacramento absolvuntur. Is tamen auctoritatem suam mascule defendit, *purgaturum etiam B. Petri ecclesiam edicens, ut nemo illic sit, nisi qui sequatur vestigia Apostolorum.* Ac Mathildica quoque Pontifici reddita, verso consilio sibi & Imperio vindicavit.

§. CLVI. Gregorius IX. Honorii successor Friderico vel ob id infensus, quod non pedes suos, sed genu & levissime quidem osculatus, Cæsarem ad expeditionem Syriacam relegare tentat. At quod is morbo & motibus Apulie ac Langobardie a coeptis revocaretur, tam ægre moram tulit Pontifex, ut excommunicationem antecessoris repeteret.

E 7

§. CLVII.